

(2) Vlada će, na prijedlog ministra, rješenjem imenovati komisiju za provođenje javnog oglasa iz stava (1) ovog člana.

Član 5.

(Čuvanje standarda i kriterija)

Standardi i kriteriji za imenovanje čuvaju se u evidenciji Vlade.

Član 6.

(Stupanje na snagu odluke)

Ova Odluka stupa na snagu narednog dana objavljivanja u "Službenim novinama Kantona Sarajevo".

Broj 02-05-15291-1/17

13. aprila 2017. godine

Sarajevo

Premijer

Elmedin Konaković, s. r.

Na osnovu člana 19. stav (1) tačka 2), člana 21. st. (1) i (4), člana 23. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", broj 86/07, 24/09 i 44/10), člana 26. i 27. stav (2) Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15), a u vezi sa tačkom II stav (1) Odluke o uslovima i procedurama emisije obveznica Kantona Sarajevo ("Službene novine Kantona Sarajevo", broj 22/16) i člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Vlada Kantona Sarajevo, na 80. sjednici održanoj 14.04.2017. godine, donosi

ODLUKU

O ZADUŽENJU KANTONA SARAJEVO PUTEM EMISIJE OBVEZNICA KANTONA

I

Odobrava se zaduženje Kantona Sarajevo (u daljem tekstu: Kanton) putem emisije obveznica radi prikupljanja sredstava za finansiranje dijela kapitalnih projekata i budžetskog deficita u skladu sa članom 1. Budžeta Kantona Sarajevo za 2017. godinu, u iznosu do 6.400.000,00 KM (slovima: šestmilionačetiristotinehiljada KM).

Emisija obveznica će se izvršiti javnom ponudom putem aukcije na berzi.

II

Osnovni elementi obveznica iz tačke I ove Odluke su:

- Emitent: Kanton Sarajevo, ul. Reisa Džemaludina Čauševića 1
- Redni broj emisije: 2. (druga) emisija
- Klasa vrijednosnih papira: obveznica sa fiksnim kuponom
- Broj obveznica: 6.400,00
- Nominalna vrijednost obveznice: 1.000,00 KM
- Ukupna vrijednost emisije: 6.400.000,00 KM
- Dospijeće: 3 godine
- Visina kamate: metod višestruke cijene
- Rok za isplatu kamate: polugodišnje, od datuma poravnanja
- Isplata glavnice: jednokratno na datum dospijeća
- Datum aukcije: 30.05.2017. godine
- Kriterij uspješnosti emisije: upis i uplata najmanje 60% ukupnog broja obveznica
- Metod aukcije: anonimna aukcija

III

Komisija za vrijednosne papire FBiH odlučuje o zahtjevu Kantona za odobrenje emisije obveznica donošenjem rješenja.

Kanton će pripremiti prospekt emisije u skladu sa čl. 32. i 33. Zakona o tržištu vrijednosnih papira ("Službene novine Federacije BiH", br. 85/08, 109/12 i 86/15).

IV

Javni poziv za učestvovanje u emisiji obveznica Kantona objavljuje se na internet stranicama Ministarstva finansija Kantona Sarajevo (u daljem tekstu: Ministarstvo), agenta emisije, i Sarajevskoj berzi-burzi vrijednosnih papira d.d. Sarajevo (u daljem tekstu: SASE) i u dnevnim novinama u Federaciji BiH, najkasnije sedam dana prije dana održavanja aukcije.

Kanton je obavezan u roku od 3 (tri) dana od dana objave javnog poziva Komisiji za vrijednosne papire FBiH dostaviti dokaz da je poziv objavljen.

V

Obveznice se emituju u nematerijalizovanom obliku i registruju kod Registra vrijednosnih papira u Federaciji Bosne i Hercegovine (u daljem tekstu: RVP). Ministarstvo sa RVP zaključuje ugovor o poslovima registracije i vođenja obveznica.

Obveznice se izdaju u originalnoj valuti KM, s tim da se njihova vrijednost veže za vrijednost EUR (EUR valutna klauzula) gdje je vrijednost na dan izdanja jednaka fiksnoj vrijednosti od EUR = 1,95583 KM. U slučaju promjene vrijednosti EUR za KM, primjenjivat će se srednji kurs EUR za KM prema kursnoj listi Centralne banke Bosne i Hercegovine na dan izmirenja obaveza po obveznicama.

Ne postoje nikakva ograničenja u prenosu obveznica.

VI

Vlasništvo nad obveznicama stiče se na dan poravnanja upisom obveznica na odgovarajuće račune vrijednosnih papira koji se vode kod RVP i vlasniku daje pravo naplate nominalne vrijednosti glavnice i kamate.

Sredstva za izmirenje obaveza iz stava 1. ove tačke osigurat će se iz Budžeta Kantona Sarajevo.

VII

Obveznice iz tačke II ove Odluke mogu se otkupiti prije roka njihovog dospijeća.

VIII

Prodaja obveznica vrši se putem aukcije na SASE metodom višestruke cijene. Nalozi se ispostavljaju unošenjem prinosa na dva decimalna mjesta.

Cijena obveznice se utvrđuje na osnovu sljedeće formule:

$$CUENA = \left[\frac{isplata}{\left(1 + \frac{prinos}{100}\right)^{\left(N - 1 + \frac{DSC}{E}\right)}} \right] + \left[\sum_{k=1}^N \frac{100 \times \frac{stopa}{100}}{\left(1 + \frac{prinos}{100}\right)^{\left(k - 1 + \frac{DSC}{E}\right)}} \right] \cdot \left(100 \times \frac{stopa}{100} \times \frac{A}{E} \right)$$

DSC = broj dana od datuma poravnanja do narednog kuponskog datuma,

E = broj dana u kuponskom periodu u koji ulazi datum poravnanja,

N = broj kupona plativih između datuma poravnanja i datuma isplate,

A = broj dana od početka kuponskog perioda do datuma poravnanja.

IX

Ministarstvo zadržava pravo da prihvati ponudu u cjelini, djelimično ili da odbije sve ponude za kupovinu.

X

Poslove po osnovu emisije obveznica obavlja Ministarstvo. Ministarstvo zaključuje ugovor sa SASE, bankom depozitarom, agentom emisije o obavljanju poslova u emisiji obveznica i Registrom vrijednosnih papira kao platnim agentom.

XI

Aukcija obveznica na primarnom tržištu obavlja se preko aukcijske platforme berzanskog trgovinskog sistema (u daljem tekstu: BTS) SASE u periodu od 9:00 do 13:00 sati, osim ako u javnom pozivu nije drugačije naznačeno.

Ponude za kupovinu obveznica unose se u BTS kao kupovni nalozi u periodu od 9:00 do 10:00 sati i u tom periodu dozvoljene su izmjene prinosa i količine iz kupovnog naloga kao i povlačenje kupovnih naloga.

Ponuda za prodaju obveznica unosi se kao prodajni nalog u BTS u periodu od 10:00 do 13:00 sati.

XII

Ovlaštena osoba Ministarstva, za izdavanje naloga za prodaju obveznica Kantona na osnovu unesenih kupovnih naloga, izdaje prodajni nalog.

XIII

Nakon obavljenog poravnanja RVP registruje obveznice u skladu s ugovorom i o tome obavještava SASE i Ministarstvo.

Na osnovu izvještaja RVP o registraciji, Ministarstvo dostavlja zahtjev SASE za uvrštavanje obveznica na Kotaciju SASE.

XIV

Za realizaciju ove Odluke, izvještavanje o nastaloj obavezi za Kanton i poduzimanje ostalih aktivnosti u vezi s emisijom obveznica, zadužuje se Ministarstvo.

XV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-15292-28/17

14. aprila 2017. godine

Sarajevo

Premijer

Elmedin Konaković, s. r.

Na osnovu člana 17. stav (3) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16) i čl. 26. i 28. stav (4) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), Vlada Kantona Sarajevo, na 78. sjednici održanoj 30.03.2017. godine, donijela je sljedeći

ZAKLJUČAK

1. Odobrava se preraspodjela sredstava u Budžetu Kantona Sarajevo za 2017. godinu u iznosu 5.000 KM, i to:

sa razdjela 11010001 Kabinet premijera

sa ekonomskog koda:

614300 - Transferi neprofitnim organizacijama -

BAN005 - Sufinansiranje projekta civilnog društva u saradnji sa Američkom ambasadom i Američko-Bosanskom fondacijom i Evropskim pokretom u BiH

5.000 KM

na razdjel 21010001 Ministarstvo za obrazovanje, nauku i mlade

na ekonomski kod:

614300 - Transferi neprofitnim organizacijama -

LAN002 - Programi

5.000 KM

2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-12401-38/17

13. aprila 2017. godine

Sarajevo

Premijer

Elmedin Konaković, s. r.

Ministarstvo za obrazovanje, nauku i mlade

Na osnovu člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 25. stav (6) Zakona o osnovnom odgoju i obrazovanju ("Službene novine Kantona Sarajevo", br. 10/04, 21/06, 26/08, 31/11, 15/13 i 1/16), ministar za obrazovanje, nauku i mlade Kantona Sarajevo donosi

PRAVILNIK

O IZMJENAMA PRAVILNIKA O POLAGANJU EKSTERNE MATURE

Član 1.

U pravilniku o polaganju eksterne mature ("Službene novine Kantona Sarajevo", br. 48/13, 1/14, 21/15 i 5/16) u članu 26, stav (1) mijenja se i glasi:

"Polaganje ispita iz jednog predmeta traje 60 minuta".

Član 2.

"Ovaj pravilnik stupa na snagu danom donošenja i isti će biti objavljen u "Službenim novinama Kantona Sarajevo".

Broj 11/04-38-28337-7/16

5. aprila 2017. godine

Sarajevo

Ministar

Prof. dr. Elvir Kazazović, s. r.

OPĆINA ILIDŽA

Općinsko vijeće

Na osnovu člana 14. Zakona o eksproprijaciji ("Službene novine Federacije BiH", br. 70/07, 36/10) i člana 28. Statuta Općine Ilidža - Prečišćeni tekst ("Službene novine Kantona Sarajevo", broj 33/10 i 18/16), Općinsko vijeće Ilidža, na 5. redovnoj sjednici održanoj dana 30.03.2017. godine, donosi

ODLUKU

- 1) Utvrđuje se da je od javnog interesa "Proširenje osnovnog pojasa poletno-slijetne staze Međunarodnog aerodroma Sarajevo", na zemljištu označenom kao:

- k.č. br. 2039/3 u naravi "Oranica", površine 900 m²

- k.č. br. 2039/6 u naravi "Oranica", površine 1050 m²

- k.č. br. 2039/7 u naravi "Oranica", površine 1000 m²

upisane u zk. uložak broj 1467 K.O. Gornji Butmir (z.k. stanje), kojima odgovara k.č. br. 119, 120 i 121 K.O. Butmir (kat. stanje), zemljišnoknjižno vlasništvo Stambolić Arziye, Stambolić Džemile, Stambolić Safeta, Stambolić Vahida, Stambolić Fatime i drugih, a katastarskih posjednika Stambolić Hurema, Stambolić Safeta i Stambolić Salke.

- k.č. br. 2039/4 u naravi "Oranica Suhodo", površine 700 m²

- k.č. br. 2039/5 u naravi "Oranica Suhodo", površine 800 m²

- k.č. br. 2039/8 u naravi "Oranica Suhodo", površine 800 m²

upisana u zk. uložak broj 2133 K.O. Gornji Butmir (z.k. stanje), kojima odgovara k.č. broj 119, 120 i 121 K.O. Butmir (kat. stanje), zemljišnoknjižno vlasništvo Ajiše Udovičić rod. Kobac, a katastarskih posjednika Stambolić Hurema, Stambolić Safeta i Stambolić Salke.

- k.č. br. 2038/8 u naravi "Oranica Suhodol", površine 1950 m²

- k.č. br. 2038/13 u naravi "Oranica Suhodol", površine 1700 m²

- k.č. br. 2038/14 u naravi "Oranica Suhodol", površine 1700 m²

upisana u zk. uložak broj 1905 K.O. Gornji Butmir (z.k. stanje), kojima odgovara k.č. br. 124, 123 i 122 K.O. Butmir (kat. stanje), zemljišnoknjižno vlasništvo Mušanović Mejre, Mušanović Abida, Mušanović Sulejmana i drugih, a katastarskih posjednika Mušanović Avdiye i Mušanović Abida.

- k.č. br. 2033/2 u naravi "Oranica Žepca", površine 300 m²

- k.č. br. 2033/3 u naravi "Oranica Žepca", površine 350 m²